

營建日記二


廿九

ワ 3
5101
2



營建日記二

乙丑六七八九朔



長壽

下見...

下見...

初

敬

...

7條3
5101
9-2

十與林各道本非丹殿明氣月同也之意而
大則好於長公於內今地景蘇官營事執能其味蘇之
各殿堂蓋買所用由家不而下計制三百卷十與四營
殿殿內水而離部或二萬立身氣合三十與五華
鼎鼎歸七則世豐工五卷一氣殿一與四美
吳日鳴中丸 大則好出六百西庭令隨自率四半氏八
味十日畫韻身難而自入民至四更水既三公
國錄

景福宮營建日記

乙丑六月

初一日雨

各殿堂退樑散支及回籠桶所入鏡家木各一百介為先
卜定於五營軍咒寺

閑畿營大樑高柱 光陵局內多有可合者云故別定牌
將下送

閑嶺營大樑高柱道內聞慶縣多有可合者云故別定牌
將下送

各色工匠一千三百七十五名 擔募軍五十二名



宗親府所捧錢五千七百四十兩七錢 純仁前五衛將李鼎萬四千兩〇出

身李滄千兩

戶曹所捧錢二千五百三十三兩八錢 陽德民人一十六百五兩

自願軍二十一洞二百二十一名

初二日雨自昨日卯時至是日酉時水深二寸八分

歧鉅匠及石手等七名以病下去各餽贖二兩

各色工匠一千二百九十九名 擔募軍五十二名

宗親府所捧錢二百五兩

戶曹所捧錢一萬二千三百二十七兩六錢 江西民人一萬一千四百

兩四十

自願軍九洞一百九十六名

初三日晴

大樑高柱等木 溫陵局內多有可合者云故閑于畿管

仍別定牌將下送

各色工匠一千四百八名 擔募軍三百五名

宗親府所捧錢六百十兩三錢

戶曹所捧錢一萬三千八百十七兩 豐儲倉貢人每次千兩〇長興吏民一萬

一千三百五十六兩〇金化吏民一千三十六兩

自願軍十洞二百十八名

初四日晴

大玉大妃殿傳曰亢旱之餘雖得一霽近日陰濕頻繁此時營建之役迫於事勢縱不得停止工匠赴役之民易致生病發遣堂上宣傳官勞問以來

各色工匠一千四百五十六名 擔募軍三百十名

宗親府所捧錢三百六十五兩五錢

戶曹所捧錢五萬八千一百四十八兩七錢

平壤三十坊民人三萬四

千二兩○洪原出身朴宗錫一千五百兩○全州前縣監鄭彥述二萬兩先納

自願軍九洞百八十八名

初五日晴

康寧殿籌基鑄水鐵撻古凡三坐重各百五十斤以麻漚

疊貫其孔每凡用四五十役夫呼邪眷之其功倍於木與石之等杵○二房冶匠所二間回祿隨即修葺

各色工匠一千四百五十二名 擔募軍四百二十名

宗親府所捧錢一千二百六十六兩

戶曹所捧錢一萬七千三十一兩九錢

全羅左水營吏民一千二百九十五

兩○松禾吏民八千二百兩

自願軍十九洞七百八名

初六日朝晴晚陰

以 大院位分付閑飭畿營各 陵所伐木曳軍勿用農民蓋是月農務方殷故也○海州軍驅車七十輛具牛與

車夫上來出付車契使之舉行

各色工匠一千三百五十七名 擔募軍四百二十名

宗親府所捧錢一千四百七十六兩

戶曹所捧錢一千三百二兩五錢

自願軍二十五洞一千一百六十九名○嶺南右漕倉漕

卒一百十九名三日赴役草芑一百十九浮舟旗十九

個願納

初七日晴夜驟雨自人定至四更水漲三分

是日中伏也 大院位出七百兩錢令訓局宰四牛犒饋

于牌將暨工匠等各一碗飯一甕羹

殿庭內外所鋪磚石二萬立長廣各三尺厚二寸為先卜定江華

各殿堂蓋覆所用油芑不可不措備故卜定三百浮於四

營

閔海營 大院位分付內令此景福宮營建時諸般物

種之卜定於各道本非民歛即庶民同力之意而即聞道

內白川郡稱以買鐵奪取農芑歇價出給雖以願納錢言

之中間都聚尚無一分未納怨聲嗷々此是該邑輩之瞞

告其官害及氓民無所忌憚云流入之言雖不可準信果

有是事是罔民也取怨也閔到即時措辭行閔於該郡同

所奪農芑一一遷出給所取願納錢因夜上送所謂作奸

之吏輩自營嚴刑照律以示 朝家愛民為農之意 本
道因飭該郡使之出給農器則業已銷融矣使延安府使
韓應弼每斤二錢式計數分給該民

各色工匠一千五百七名 擔募軍四百二十名

宗親府所捧錢一百五十六兩

戶曹所捧錢二千三百四十一兩八錢

延日吏民一千一百六十四兩

自願軍三十七洞一千二百六十七名

初八日晴

迎秋門舊址石等毀之繞以木柵○海州單驅車二夫一
名物故出給二十兩使之掩土○咸興石手八名自願限

一朔赴役其誠則可尚而湫矣北土之人資糧必有難繼
之慮且非一二朔可竣之役故一體給石手雇價使役於

光化門

各色工匠一千四百七十六名 擔募軍四百十五名

宗親府所捧錢三千二百三十二兩

出身李明基三千兩

戶曹所捧錢二萬七千八百三十七兩

博川吏民五千一百七十九兩○洪

原吏民七千六百六十四兩○幼學朴秉厚五千兩○幼
學姜周漢三千兩○江陵幼學全演應二千兩○樂安

前管將崔得秀三千兩

自願軍二十一洞八百二十三名

初九日朝晴午驟雨

舊神武門毀撤外以木柵繞之夜行開基告祀東西南門亦有此告祀

各色工匠一千四百二十四名 擔募軍四百三十名

宗親府所捧錢二千五百九兩

戶曹所捧錢五千五百五十一兩三錢六分谷城民人二千五百三兩

○南平民人二千二十七兩

自願軍二十三洞九百四十八名

初十日晴

行百官叅謁於議政府是時議政府大廳成其左政府堂上大廳其右叅贊成及舍人以下諸廳與之

俱新制度嚴整丹青鮮明每於六臘例有叅謁三公主壁有司堂上及贊成叅贊東西壁受百官叅謁禮且次對前一日例為坐起而時相與諸堂上會議次對之事此古昔盛時之規而燦然復見矣

石手上送事後錄姓名發關於海管錦管及完管

各色工匠一千五百二十名 擔募軍四百六名

宗親府所捧錢六百十二兩

戶曹所捧錢一萬八千六百四十五兩三錢沃川民人六千三百二十

兩○安邊前縣監金漢雄四千七百兩先納○寶城郡守李奎書千兩○泰川民人二千兩○禮賓寺貢人等

再次千兩○呂州吏民千五百十三兩

自願軍二十二洞九百十六名

十一日晴

大院位以為諸工匠與軍人中擔軍之役尤極勞力令訓
禁御三營各出布三同凡三百九十二名各賞一疋以

答其勞

康寧殿擔軍五十名慶會樓石等所四十九名治
木所五十一名治石所三十四名先化門一百五

名建春門二十四名迎秋門二十六名神武門二十七名
宗親府使令二十六名一朔為擔軍赴役故亦奉其中

各色工匠一千四百七十四名 擔募軍五百二十三名

宗親府所捧錢九百三十六兩

戶曹所捧錢二萬六千七百二十四兩

洪原前萬戶崔周
輸千兩○洪原前

令都必中二千兩○平山吏民一萬五千六百兩○黃
海兵使李元熙再次二千兩○昌城吏民三千五十兩

自願軍二十五洞六百三十二名

十二日晴

閔畿營各樣木石輸運之役極為浩大車子優敷造作然
後可以及時舉行故高陽新院礪石峴仁川竹林所在真
木各五十介斫伐以來次定差人下送

閔東營二建所用體大樓柱等木物道內麟蹄春川等地
質所以來事已有所發閔而麟蹄縣龍臺山寒溪洞多有
可合者云故茲又發閔到即星火許斫

各色工匠一千四百八十六名 擔募軍五百五十四名

宗親府所捧錢一千七百十二兩

守門將李喜晉
一千兩先納

戶曹所捧錢二萬八百兩六錢

長興庫貢人每次千兩
公州進士吳徽相千兩
○端川民人一萬五千六百兩
○河東民二千二百八十五兩
○河東初學金百兩

自願軍三十三洞八百三十三名

十三日午灑雨夜大霰自人定至翌日開東水深三寸

神武門虹霓礎輸耒者至是為十二塊而禁將李景夏出

月俸錢賞車夫大塊二十兩小塊十兩式

各色工匠一千五百十四名 擔募軍五百五十名

宗親府所捧錢六百十七兩

戶曹所捧錢一萬七千五百三十四兩四錢五分

全堤前
五衛將
金淳澤二千兩
○洪州民人一千十四兩
○龍崗吏民一萬七十八兩
○龍崗吏民一萬七十八兩

一分五分

自願軍三十六洞一千六十四名

十四日朝雨晚晴

開海營上建所用燔朱紅三千斤採取以納事自戶曹已

有所發開矣即聞燔朱紅價以戶曹所納文化別收中一

千二百兩除納云非但價本之太多此物種既是營建所

用則價本自都監備給事理當然就本都監磚石價餘條

中限九百兩除出以每斤三錢價許給下去人後戶曹上

納依前準數上送

開東營上建時修粧所入各樣木物萬分時急故道內麟

蹄地質所以來事前有所發閉而麟蹄縣寒溪洞承口洞
牛目洞三處多有可合材木云故前送差人朴完龜處亦
為所伐以來之意已為傳令申飭後華又發閉即時所伐
同夜運來

各色工匠一千五百四十二名 擔募軍五百六十名

宗親府所捧錢五百六兩五錢

戶曹所捧錢一千一百八十六兩五錢

自願軍二十八洞九百二十七名

十五日晴

本都監啓曰本都監副提調宋熙正時無職名令該曹口

傳付軍職事 傳曰允從今以後設都監時堂郎無實職

則口傳付職定式○光化門口址本汙下以殿基開滌時

裒集之土補土而修基高於本址四尺七寸許○光化門

楹端石此置御間門東西虹霓礎之下者他浮於映楓亭

訓局願赴軍七百二十五名標來長十二尺廣四尺高三

尺

各色工匠一千六百三名 擔募軍五百七十二名

宗親府所捧錢五百十四兩

戶曹所捧錢一萬五百五十三兩龍山吏民三千七兩○
全溝典籍張泰秀千兩

○洪原前奉朴
寅義五千兩先納

自願軍十六洞五百七十五名

十六日晴

本都監啓曰康寧殿延生殿慶成殿營建吉日今日官李推擇則定礎令六月二十日申時立柱來十月初九日寅時上樑同月十一日子時俱吉云以此日時舉行事傳曰知道

各色工匠一千四百五十九名 擔募軍五百八十名

宗親府所捧錢一千五十三兩

戶曹所捧錢二萬六千一百十兩 金山前中軍危沂珍三千兩金山民人六千

八百六十五兩長津民人二千六百九十兩

自願軍三十一洞一千十五名

十七日晴

是日也末伏御營乾槁饋工匠每名二錢七分擔募軍每名二錢諸堂上皂隸每名一錢合為七百二十兩 二錢七分分營門

大槁饋前例 ○文昭殿後麗下新渠自城底至三清洞大渠長

五百八十五尺兩堤石等光州幼學李廷遠專當所費而告成仍豎短碑而去矣是年七月之潦水緣於等堤之淺窄流沙填塞廷遠欲改等之而力有所未逮代以三千兩願納其石手張順哲以厚受價而慢於等堤施以懲勸各色工匠一千五百八十二名 擔募軍五百九十二名

宗親府所捧錢三百四十五兩

戶曹所捧錢六百八十四兩

自願軍四十六洞一千六百二十六名

十八日晴夜雨

本都監啓曰卽聞閔西殷山縣民人等量力願納於營建所方張裒合之際前掌令金鼎獻上下咆喝必欲沮遏乃已云身為鄉紳值此莫大之役義當率先興勸勗其或後而反使出義效力之羣情縮而不伸揆以常理究說不得其罪狀令該府拿問處之事 傳曰此人卽策名朝籍之類也渠若有財則出義捐補宜倍他人而不此之為乃反

操縱一鄉致此沮遏究厥宅心尤豈不痛惡金鼎獻拿致王府嚴刑一次遠地定配因此而又有所提飭者今此大役卽三百年未遑之事而期欲重建於今日者是豈可已而不已哉彼為區域臣民者庶乎其向義出力之不暇而待其補助多寡酬之以爵賞乃古昔攸行之規也豈不欲先施朝家褒嘉之典而近見諸道所納非但一切零瑣其成丹姑未齊到有難居先示意方切憂悶今乃有此等不軌之類因念興勸之方反有阻撓之舉此非他故簪纓之裔則反以羞耻閭巷之富則終有所觀望一人唱謬衆心易沮如是則八方之民何以知勸懲之道哉更以此措辭

閔飭於八道四都可也

拿來嚴刑一次
晉州地定配

○先化門縮端石

第二塊訓局又自映楓亭樑來至鐘樓前樑械有毀令擔

軍一百七名連布散輪曳至門前

長廣厚薄已
見於第一塊

大院位

分付營建所曳卒七百二十名擔軍一百七名每名一戈

式合八十二兩七錢賞給之其領率之石手與車夫各十

名船匠二名使戶曹各賞一匹木訓將任泰瑛亦賞給各

二十兩于石手與擔軍等七十二兩于曳卒等

各色工匠一千五百七十二名 擔募軍五百二名

宗親府所捧錢九百三十兩

戶曹所捧錢五千十九兩

水原幼學崔德修千兩○
堤川進士申彭齡千兩

自願軍五十一洞一千六百三十四名

十九日雨

閔箕營各殿堂大樑高柱等木尚未求得方在渴悶中即

聞道內江界狄踰嶺及寧邊妙香山多有體大松檜栢子

等木云故茲以發閔別定幹事營校分送兩邑長五十尺

末圓徑三尺以上者各限三十介斫伐後曳運水邊使之

載船同夜上送 九月日本道回移內妙香山則本無可

合之木狄踰嶺則雖或有可合者而山路崎嶇出浦為三

百餘里不得斫伐

閔錦營道內公州大靖里居瓦匠鄭喜孫素稱善手云知

委該邑趙速領付

各色工匠一千五百二名 擔募軍五百二十名

宗親府所捧錢六百兩

戶曹所捧錢九百五十八兩

自願軍九處六百八十三名

二十日兩自十八日人定至是日開東水溪四寸九分

是日即交泰殿康寧殿延生殿慶成殿定礎日也康寧殿東溫候

曰延生殿西溫候曰慶成殿正廳曰康寧殿二碑則三而其實則一殿乃是大朝殿也古制則康寧殿稍高於東西

溫候而今制則及申時至今牌將行告祀于四殿上各設使無高低之別

遮日牧丹屏高足床各薦牛一餅三甌果三色酒一卣各

陳錢百緡大小米各二石布木各十匹行單獻畢交泰殿

正廳礎四坐未定者皆填土而定之康寧殿延生殿慶成

殿時未竣等基故先定礎十二坐告祀所用之物付之該

石手房蓋定礎則石手之事也以下定礎皆散此是日堂郎齊會

叅觀○築城亦是日申時也三營各定字標自光化門東

抵建春門禁營掌之西抵迎秋門御營掌之自神武門東

抵建春門西抵迎秋門訓局掌之訓局告祀于城之乾方

禁營以巽方御營以坤方各用承一以石材未備故城役

未張而只解舊城石十餘塊預令卜馬輪置石材於城址

之內每駭載二塊而每駭價五錢

本都監草記別單 康寧殿上樑文製述官領府事鄭元
容書寫官興寅君 文泰殿上樑文製述官奉朝賀金
興根書寫官永平君 延生殿上樑文製述官領敦寧金
左根書寫官東寧尉金賢根慶成殿上樑文製述官判敦
寧李景在書寫官南寧尉尹宜善光化門上樑文製述官
判府事李裕元書寫官大護軍中錫禧建春門上樑文製
述官奉朝賀尹定鉉書寫官大護軍徐憲淳神武門上樑
文製述官華留趙得林書寫官大護軍李源命迎秋門上
樑文製述官大護軍姜時永書寫官大護軍趙必昌
各色工匠一千五百七十三名 擔募軍五百五十名

宗親府所捧錢四百六十一兩

戶曹所捧錢二萬七千八十五兩二錢 古阜民人八千五百七十兩〇龍川

民人一萬五千九百十兩〇開
良朴命沐一千一百四十五兩

自願軍三十三洞八百六十二名

二十一日微雨

閑海營前者卜定磚石之長廣非不參量而依此浮出為
弊多端雖并力舉行萬無合式採取之路云前見樣長廣
各四尺五千立內三千五百立依今來見樣長以四尺廣
以二尺六寸七分浮出其餘一千五百立係是殿閣所用
每間長廣皆為十尺則不可以此廣入排參量間數長廣

并為三尺四寸式浮出以為每間九立式排用之地事甚
便宜依此舉行

殿閣所鋪別白紋席前有卜定於江華而自京有推用之
道更閑還寢

各色工匠一千五百五十九名 擔募軍五百五十名

宗親府所捧錢三百五十二兩

戶曹所捧錢一萬六千三百九十七兩 沃溝吏民二千八百六十三兩四錢

○順川吏民一萬二千五百四十三兩 ○慶尚右兵營吏民一千一百十兩六錢

自願軍二十五洞八百三十五名

二十二日灑雨

行報謝祭於 宗廟 前月二十二日九次別祈雨祭即見 靈應故

各色工匠一千五百六十八名 擔募軍五百六十名

宗親府所捧錢一百五十一兩

戶曹所捧錢一萬五千九百五十九兩 會寧伴李容熙千兩 ○祥原吏民七千七百五十九兩 ○德原前奉南履夙五千兩 ○高陽吏民等二百兩 ○尚州匠漢宋一秦一千兩

自願軍三十九洞八百八十八名 南門內梨峴鍾街三處捕廳臺漢中初次赴役

時受資三漢領率童漢七十名 具舞童帶竹倡優再赴役

二十三日雨自開東至酉時水深四分

本都監啓曰郎廳南鍾友移拜鴻山縣監矣其代以廣興
守閔德鎬差下監造官趙鶴在移拜戶曹佐郎今既陞六

其代以司饗奉事姜頴秀差下監造官李景魯移拜禁
府都事職務相妨令該曹口傳開司相換與濟用奉事尹善佐相換監
造官沈炳奎移拜 禧陵直長矣其代以宗府直長李源
進差下使之察任事 傳曰允○文昭殿後麓新渠上補
土處石等自去月十七日為始是日畢用右手三百三十
三名
各色工匠一千五百四十三名 擔募軍五百六十名
宗親府所捧錢三百五十兩
戶曹所捧錢七百五十九兩六錢
自願軍三十二洞六百七名

二十四日微雨

闕八道四都令此景福宮重建卽三百年未遑之事而莫
重莫大之役也以今之 國勢民情豈不知遽難議到而所
以為此者惟我 冲王臨宇迺續天休紹述 先志比之
於殷之遷亳周之營洛其義一也古人云不一勞不永寧
何可以一時之小勞不圖萬世之丕基乎然則凡為西域
臣民者孰不殫誠竭力有若子趨父事而上之求助下之
捐補抑亦事勢道理之不得不然者也向來 飭教之後
宜其動念樂從之不暇而近見外邑所謂願納者去益零
星殆不成樣此曷故焉聞士族之家則謂以羞耻饒居之

民則只知吝嗇向義出力者極其絕罕云噫彼簪纓之裔
在其先而食 君之祿閭巷之富於其身而食 君之土
休養生息蒙恩被渥者亦既多矣今於如此大事若曰不
知則是豈民國相須之義哉雖散在各邑其誰某姓名自
此亦已詳聞而洞悉矣固當到底懲治以施屏裔之典而
苟如是則非所以教其不率反自歸於強責勒懲之科故
茲更發閩提飭即為措辭行會於道內各邑使之真諺翻
騰曉諭坊紳而此時此舉實非可已而不已者也彼若一
切心泄不思所以出義捐財裨補是役則其負國慢命之
罪已無可言而其中設或有些少已納者再三次隨力辦

納亦未為不可矣以此洞諭之後又若不遵則當有別般
嚴處之道大小民人咸須知悉毋至追悔 大院位分付
辭意茲以奉承發閱到即星火行會俾無一民不聞不知
之弊

各色工匠一千五百八十二名 擔募軍五百八十名

宗親府所捧錢六十五兩

戶曹所捧錢三千一百六十六兩

江華民人
三千兩

自願軍三十洞五百十七名

二十五日雨自昨日開東至是日申時水漲一寸三分
閩嶺營道內尚州居宋一泰錢一千兩願納矣渠以一介

匠漢願納之數如是夥多極為嘉尚無他可施之賞自今
為始許免賤役後形止馳報 大院位又令吏曹帖加
各色工匠一千六百三十名 擔募軍五百九十一名

宗親府所捧錢二百五十六兩

戶曹所捧錢一萬一千二百七十八兩二錢 昆陽進士趙基錦千兩〇

江津民人五千八百兩〇 潭陽吏民三千四百十兩〇 果川民劉千萬水青木四百介

自願軍九洞五百十四名

二十六日雨

亢旱之餘繼以潦雨人傷暑濕舉多生病外方匠色之告
病者并給贖放送

各色工匠一千六百七名 擔募軍五百九十名

宗親府所捧錢一千四百六十一兩 金堤伴李乾夏千兩

戶曹所捧錢二千七百五十三兩 中和伴韓用善千兩

自願軍十六洞三百四十二名

二十七日雨自昨日卯時至是日夜五更水深一寸五分
原州酒泉民安學仁以椽實末和蜜三缸紙裹三封來納
于營建所蓋是材療泄之良藥也當此盛暑之役舉有泄
症而蚩蠢峽氓出此遠慮申勤來納雖不貲之物其誠足
可尚也

各色工匠一千六百十三名 擔募軍五百九十五名

宗親府所捧錢七百五十三兩

戶曹所捧錢一千二百十八兩

閑良金恒植
再次五百兩

自願軍二十五洞七百七十四名

聞慶伴李國寧願留民
四十名三日赴役而去

二十八日雨自未時至三更水深六分

大院位下燒酒及肴脯于工匠處凡木手九百四十五名

石手五百三十六名冶匠一百二十名令領牌將各其

屬分飲之

各色工匠見上 擔募軍六百名

宗親府所捧錢四百四十六兩

戶曹所捧錢三萬一千二百九十九兩七錢

出身李承儉
再次二萬六

千兩○義州張鳳祿三千兩○全州等
六邑紙所民人等都中各張一百張

自願軍四十一洞一千二百十三名

二十九日雨自辰時至翌日開東水深一寸四分

本都監啓曰郎廳韓教源有頃代以宗府主簿李憲初差

下監造官李源進移拜 宗廟直長矣其代以司饗直長

李錫應差下事 傳曰允○禁營乾槁饋于工匠與擔募

軍與十七日御營槁饋同○有牛疫車牛或至立斃

各色工匠一千六百二十八名 擔募軍七百十一名

宗親府所捧錢四百十五兩

戶曹所捧錢三萬二千二百四十一兩五錢

全州前縣監
鄭彥述前後

合二萬七千兩○萬頃吏民及古羣山民人等一千九百九十五兩五錢○開寧民人二千七百二十兩○嘉山吏民三千七百四十兩○前五衛將趙胤顯三次一萬五千兩

自願軍七十六洞一千八百十七名

本都監啓曰六月朔本都監所捧始以戶曹受之今各處

願納錢四十一萬一千二百六十三兩七錢一分 宗親

府瘡派人願納錢二萬七千六百五十五兩七錢一分成

丹子二件以入事 傳曰知道

六月朔各色工匠合四萬三千九百十二名 擔募軍一

三千四百八十名 擔募軍則役記中武有未錄之日故未詳

自願軍合七百九十七洞二萬四千十二名

七月

初一日兩自開東至人定水深六分

傳曰景福宮役所工匠令營建都監乾槁饋 本都監啓

曰工匠乾槁饋為之事 命下矣工匠一千六百三十三

名每名錢一錢 擔募軍八百七十九名每名錢五分式合

錢二百七兩二錢五分 給事 傳曰知道

各色工匠見上 擔募軍見上

宗親府所捧錢二百六十二兩

本都監所捧錢一萬八千二百一兩二錢 長城民人三千二百五十五兩

○長城前奉全京休千兩○義州全鎬三千兩○義州金鎬三千兩○嘉州金得翰三千兩○李天擊三千兩○谷山民人三千五

自願軍八十四洞一千八百二十七名北清氏趙鍾錫限一朔獨赴役

初二日朝晴晚雨

閑海營各樣木物輸運之役為急單驅車發閑上來使役矣見令農務方殷民弊不可不念故一并還下送來九月晦內不待更閑領付都監

閑嶺營各殿堂以下諸處丹腹所用磊碌五百斗丁粉三百斗姑先卜定

閑四都營建時丹腹所用阿膠自役所煮取入用牛皮有難準數京賀故一百張參酌卜定

各色工匠一千五百九十三名 擔募軍八百七十名

宗親府所捧錢六百兩

本都監所捧錢一萬三百五十二兩南原出身盧光潤三千兩 同福吏民二千兩 光州知學程達寬千兩

千五十七兩 長馨民人一千一百兩 金山前中軍元沂珍再次二千兩

自願軍七十九洞一千八百二十七名

初三日雨自昨日未時至是日開東水溪一寸三分

閑禮曹機械木以 懿陵火巢內松木斫伐次定牌將下送

各色工匠一千六百八名 擔募軍八百十名

宗親府所捧錢二千二百十四兩扶安知學李文榮一千兩

本都監所捧錢三千六百十八兩一錢

會知文義淵
再次千兩

自願軍五十七洞一千三百二十三名

初四日雨自卯時至人定水深五分
閑京畿水原營建所用木物六千六百介所置南陽白鷺
洞令方曳運而以南陽一邑萬無及期仁川安山附近邑
民丁調發合力曳運

各色工匠一千六百二十五名 擔募軍七百九十一名

宗親府所捧錢二千三百四十二兩五錢

李文榮再
次二千兩

本都監所捧錢七千七百四十四兩

三和吏民六千
一百六十兩

自願軍六十七洞一千七百二十五名

初五日微雨

閑錦營二建時各樣木物蓋覆所用草芑數甚夥多以如
干質取件排用無路故質來次別定差人下送于道內息
津溫陽禮山德山泰安等地如有無賴閑雜之輩中間操
縱之弊則一切嚴禁俾無生梗之弊

各色工匠一千六百二十八名 擔募軍七百九十名

宗親府所捧錢一千八十四兩

義盈主簿李
祖漢千兩

本都監所捧錢八千四十四兩三錢

永興 朴齊儒三千
兩〇安東副司果柳

驥榮千兩〇通津民人
二千四百二兩三錢

自願軍九十一洞二千五百六十一名

富平班全真銘宗
中八名限五日赴

役旗面書忠
臣公八代孫

初六日晴

欽敬閣舊址日影臺毀撤石材盡琢面移用慶會樓池石
等○按景福宮舊志欽敬閣在康寧殿西世宗甲寅始
創戊午功告成金墩記曰若稽帝王發政成務必先於明
曆授時而授時之要實在於觀天察候此機衡儀表所
由設也然考驗之方極精至密非一咒一象所能取正
我主上殿下命攸司制諸象若大小簡儀渾儀渾象
仰奎日晷日星定時圭表禁漏等咒皆極精巧復越前
古猶慮制度未盡且諸咒皆設於浚苑難以時占察

乃於千秋殿西庭建一間小閣糊紙為山高七尺置於
其中內設玉漏機輪以水激之用金為日大如彈丸五
雲繞之行於山腰之上一日一周晝見山外夜沒山中
斜勢準天行去極遠近出入之分各隨節氣與天日合
日下有玉女四人手執金鐸乘雲而立於四方寅卯辰
初正在東者每振之巳午未初正在南者振之西北皆
然下有四神各立其方皆面山寅時至則青龍北向卯
時至則東向辰時至則南向巳時至則還復西向而朱
雀復東向以次向方如前皆倣此山之南麓有高臺司
晨一人具絳公服背山而立有武士三人皆具甲冑一

執鍾槌西向立於東一執鼓槌東向立於西近北一執
鉦鞭亦東向立於西近南每時至則司晨回顧人鍾
人亦回顧司晨乃擊鍾每更鼓人擊鼓每點鉦人伐鉦
其相顧亦如之更點鉦鼓之數并如常法又其下平地
之上十二神各伏其位十二神之後各有穴常閉子時
至則鼠後之穴自開有玉女執時牌出鼠起於前子時
盡則玉女還入其穴還自閉鼠還伏丑時至則牛後之
穴自開玉女亦出牛亦起十二時皆然午位之前又有
臺：上置款咒：北有官人執金瓶以注之用漏之餘
水源：不絕虛則款中則正滿則覆皆如古訓又山之

前則作春三月之景南則夏三月之景秋冬亦然依幽
風之圖刻木為人物鳥獸草木之形按其時候而布之
七月一篇之事無不備具閤名欽敬取堯典欽若昊天
敬授人時之義也夫自唐虞測候之咒代各有制唐宋
以來其法寢備若唐之黃道游儀水運渾天宋之浮漏
表影渾天儀象以至元朝仰儀簡儀皆彌精妙然大率
各成一制未得兼考而運用之咒多借人為今則天日
之度晷漏之刻與夫四神十二神鼓人鍾人司晨玉女
凡百機關以次俱作不由人亦自行自擊若神使然觀
者駭愕莫測其由而上與天行不差毫釐制作之規可

謂妙而又用滴之餘水作款咒以觀天道盈虛之理山之四方陳幽風以見生民稼穡之艱此則又前代所無之美意也予以常接于左右每警於宸慮亦寓夫憂勤宵旰之節豈但成湯浴沐之盤武王戶牖之銘而已哉其法天順時欽敬之意至矣盡矣而愛民重農仁厚之德當與周家并美而傳於無窮矣閣成命臣書其事謹述梗槩拜手稽首而獻

欽敬閣新製則不設測候
罷與日影臺而只仍舊名

各色工匠一千六百二十名 擔募軍八百七十名

宗親府所捧錢七百七十七兩

本都監所捧錢二萬九千六百四十五兩八錢二分

井邑民人

一千六百二十兩三千兩再次○金浦民人一千三百
九兩○順安吏民八千二百五十四兩○茂長吏民四
千一百四十一兩

自願軍八十九洞二千三百六十六名

初七日晴

開闢慶及嶺營島嶺所斫高柱大樑十三株因夜曳運出浦葛坪所在板木一依下去牌將知委眼同該差人一照數逢授八月晦日內到泊京江

各色工匠一千五百九十名 擔募軍八百八十名

宗親府所捧錢八百六十五兩

坡州紫谷面
居民等錢十

本都監所捧錢一萬四千四百二十兩三錢

兩葉索七百把○居昌李鎮岳二千五百
兩先納○長洲民人八千三百六十三兩

自願軍一百二洞二千三百二十四名

初八日雨

訓將任泰璞出給二隻牛於漢車夫處犒饋○禁將李景

夏賞百兩錢於神武門役所工匠與擔募軍等

各色工匠一千六百十七名 擔募軍八百七十七名

宗親府所捧錢二千七十三兩 前郡守李鳳九
再次二千兩

本都監所捧錢二萬九千一百六十九兩 清道民人二千
一百五兩○清

道居壹蒙李鏐善千兩○清道幼學朴時點千兩前假
注書千兩成千兩前持平崔鶴昇二千兩○會寧民人
三千一百兩○橫城民人及吏廳一千四百三十五
兩○定州民人五千兩○咸興前奉奉朴承曾萬兩

自願軍一百十三洞二千七百十七名

湖西德山幼學孟
欽斗寧家丁十名

十日
赴役

初九日雨自昨日未時至是日開東水溪五分

葉將李景夏行下二十兩于慶會樓池役所牌將工匠擔

軍及使喚旗手等前後凡四次又康寧殿役所工匠處二

十兩行下

各色工匠一千六百六名 擔募軍八百八十二名

宗親府所捧錢一百二十二兩

本都監所捧錢五千四百六十兩 江界民人五
千一百兩

自願軍五洞六十一名

初十日雨自昨日開東至是日開東水深二尺一分

江水漲溢各處材木之水運儲置於江頭者盡為漂失令
三營門搜覓且發關於沿江諸邑使之執捉

各色工匠一千五百三十三名 擔募六百十名

宗親府所捧錢一百七十八兩

本都監所捧錢五百二十九兩

自願軍七十五洞一千五百八十七名

十一日朝雨晚晴自昨日開東至是日開東水深五分

閔公忠京畿黃海江華營建所用木物令番潦水盡為漂
流萬二渴悶到即知委沿江各邑一一執捉木物執納人

當自本都監別為賞給

各色工匠一千五百二十五名 擔募軍七百九十名

宗親府所捧錢二百二十二兩

本都監所捧錢五百四十五兩

自願軍三十九洞七百九十八名

十二日晴

先化御間門繪端石二個之在簷砌下者以船人二十名
設轆轤懸上于虹霓始處此七百名曳來之石也雖擔募
軍百餘名扶助而轆轤之功十居八九此船工懸帆之法
而機智之巧亦有可取禁將李景夏賞牌將十人各一兩

石手三十七名 擔軍一百五名 船人二十名 木手五名 使
喚旗手六名 各五戈 募軍三十四名 各一戈

各色工匠一千五百四名 擔募軍八百六十名

宗親府所捧錢三百六十九兩

本都監所捧錢一萬三千七百四十六兩八錢 萬里現金
仁得一萬

西○濟州牧梁
憲洙二千兩

自願軍十五洞二百十八名

十三日晴

關東營上建時各樣瓦甃燔造所入吐木令番潦水盡數
漂流入用萬分時急故質斫以來次定差人下送道內狼

川楊口等地到即許斫因夜運納

各色工匠一千四百八十六名 擔募軍八百八十二名

宗親府所捧錢四百二十四兩

本都監所捧錢九千五百八十二兩 各房書吏庫直等再次
八千一百六十二兩

自願軍二十洞五百二十五名

十四日晴

訓將任泰瑛行下百兩錢于光化門役所石手一百二十
八名 處五十兩于擔軍一百二十名 處

各色工匠一千五百一名 擔募軍八百七十二名

宗親府所捧錢八十二兩

本都監所捧錢六千六百一兩七錢

三陟民人一千一百五十三兩〇錢

人三千二百兩

自願軍二十六洞五百四十四名

十五日雨

閑畿營海營江華營建所用漂流木物一〇執捉運納而執納人段自本都監別為賞給事已為發閑矣見今需用萬分時急尚無一介來納事甚渴悶茲以更閑另加甲飭於沿江各邑同夜舉行執納體木物每介賞錢一兩自各該邑無論各衙門上納與願納錢量宜施賞後執納人姓名及錢數修成冊上送

各色工匠一千五百二十八名 擔募軍八百七十名

宗親府所捧錢二百二十七兩

本都監所捧錢一千六百二十兩

陰城民人千兩〇永平北而小回山里居民等

生葛一千沙里

自願軍三十八洞七百五十二名

十六日雨自昨日巳時至是日未時水深四寸三分

毀簡儀臺石移筹建春門址〇簡儀臺在神武門右麓

牆內按燃蔡別集 世宗壬子命大提學鄭隣趾鄭招制

簡儀臺中樞院使李歲護軍蔣永實掌督工役先制木

簡儀遂鑄銅為諸儀象一曰大小簡儀二曰渾儀渾象

三曰懸珠天平定南仰釜日晷四曰日星定時儀五曰
自擊漏戊午功告成等石為臺高三十一尺長四十七
尺廣三十二尺繚以石欄顛置簡儀置正方案於儀南
臺之西植銅表高五倍八尺之臬劉青石為圭：面刻
丈尺寸分用景符取日中影推二氣之盈縮大簡儀則
依元史所載郭守敬法小簡儀則跌以精銅緣以水渠
準子午定地平赤道環面分周天三百六十五度四分
度之一東西運轉測七政中外官入宿度分百刻環在
赤道環內面分十二時百刻畫以知日晷夜以定中星
四游環持窺衡東西運轉南北低仰以待窺測乃豎柱

以貫三環斜依之則四游準北極赤道準天腹直豎之
則四游為立運百刻為陰緯鄭招小簡儀銘曰天道無
為冕且尚簡古之簡儀架柱棧：今茲冕也近可提携
其入用也同於簡儀蓋簡之又簡者也

各色工匠一千四百二十名 擔募軍八百七十二名

宗親府所捧錢一百七十二兩

本都監所捧錢一萬一百四十四兩

長水民人正鐵一百四斤○洪川民人二千一百六十兩○狼川初學鄭濬千兩○金溝民人四千二百三十六兩○沃川民人一千三百八十七兩

自願軍二十八洞四百三十一名

十七日陰

光化門綰端石第三塊又自暎楓亭樑來訓將任秦漢賞
四百五十兩錢于曳卒九百七十三名擔軍二十五名處
○三清洞新川上石等處又鋪磚石自是月初二日至是
告竣用石手九十九名
各色工匠一千四百九十七名 擔募軍七百九十名
宗親府所捧錢四百八十八兩五錢
本都監所捧錢一萬一千一百六兩 忠州民人九千
六百五十六兩
自願軍二十七洞三百六十二名

十八日陰夜雨

關八道四都營建時京外民人之爭先樂赴非不嘉尚而

近聞八域之民不待發徵無不願赴云迨此秋成之時一
一向役民以致失農則為民事誠極可悶自今為始願赴
之民一切禁斷妄意務農之意嚴飭各邑使之真諺翻騰
曉諭坊申俾無一民不知上來之弊事三懸鈴知委
各色工匠一千四百九十名 擔募軍八百二十名
宗親府所捧錢四百十四兩五錢
本都監所捧錢六千八百四十五兩 李泰敏再
次五千兩
自願軍三十四洞七百三十四名

十九日微雨

本都監啓曰謹奉

傳教蓋菜田

訓鍊院二十九畝
桶井洞十五畝
二畝
二畝
五畝
尺

置所只十一坂二畝十甸車塲基七坂一畝大廳後十四
 坂耳井洞一畝下都監前九坂永番洞六坂蓋井洞九坂
 於青橋下三十六坂九甸高井洞十四坂水芹洞二十九
 坂三甸昌屋前四十四坂一鏡亭前合七坂每橋行廊後
 十四坂二甸臺匠房洞二十六坂於義洞一坂南門外石
 橋契十五坂梅枝洞七坂青坡契舟橋近處一坂藥田契
 戰笠洞八坂東門外十九坂價錢一萬三千八百三十七兩
 坂五畝馬場里八坂八畝
 三錢五分自都監分給該田主處後別單書入而其中價
 錢不為受去處別單中懸註以入之意敢啓
去五月二十日以宮內監
某田移定事有下傳曰知道
雲峴宮田七十三坂及九甸
教故有此草記
興廣君官田三畝及三坂趙
承旨成夏田六畝及四坂禁衛
營田五畝以上價錢不為受去
 御將許榮行下各五
 十兩錢于迎秋門及神武門役所工匠等
 各色工匠一千四百六十八名 擔募軍八百一十一名

宗親府所捧錢二百三十八兩三錢

本都監所捧錢二萬八百八十五兩九錢

安東民人二千二百四十二兩
五錢○金山前中軍元沂珍再次七千兩○沃川民
金相基再次一千兩○前五衛將李義益再次萬兩

自願軍四十洞八百二十四名○畿內青龍寺僧千一自

去五月十五日為始自願限竣役赴役負一水桶具一
 木甌許多役夫炎夏叫渴之際輪行飲人俗所謂汲水
 功德者也

二十日晴

先化御間門緹端石第四塊又自映楓亭標來訓將任泰
 瑛賞曳卒及擔軍等錢為一百三兩七錢至第八日又以

輓轡懸上二塊前後合四塊安于虹霓扇內外之下內則長十尺外則十二尺 大院位賞擔軍一百十六名石手三十六名船人二十名各一爨訓將亦賞諸工匠及擔募等各二爨

各色工匠一千四百七十六名 擔軍募軍八百七十名

宗親府所捧錢四百二十七兩

本都監所捧錢一萬四千九百六兩 嶺營使徐甲濬千兩 江陵前監役金演

大千兩 永同民人一千二百兩 雲峰民人一千三百十九兩 前主簿鄭憲教再次八千兩 安山黃穰

葉索七千 四百把

自願軍四十五洞九百七十九名

二十一日未後兩

移文禮曹 光陵局內斫伐高柱大樑曳運時所用桶車二十座令方造作而所入材木以本 陵局內斫用之意知委本陵以為舉行

各色工匠一千四百五十七名 擔募軍八百七十四名

宗親府所捧錢二千四百四兩五爨 監牧官李時詰千兩 北兵使李南執千

兩

本都監所捧錢六千五百五十九兩二爨 懷德民人二千

州民人二千兩先納

自願軍三十二洞四百八十四名

二十二日雨自昨日未時至是日開東水溪一寸

本都監啓曰郎廳李憲初移拜監察矣職務相妨令該曹

口傳閑司相換事 傳曰允 平帝王簿金 鳳鎬相換 ○高陽邑浦面

民崔順祿以潦水漂流大樑拯納之功加資

各色工匠一千四百三十二名 擔募軍七百八十名

宗親府所捧錢四百三十五兩

本都監所捧錢二萬三千六百二十三兩 咸興幼學趙景瀛萬兩○丹城

民人二千兩○咸興前 五衛將全文略萬兩

自願軍二十三洞三百八十四名

二十三日晴

至是各殿堂役所治木治石冶爐及雜物庫艾幕錢庫諸

假家合三百五十餘間光化門諸假家合三百六十一間

建春門合五十九間迎秋門合七十間神武門合二十九

間合八百三十四間

各色工匠一千四百五十四名 擔募軍八百七十五名

宗親府所捧錢八百九十一兩

本都監所捧錢一萬二千五百九十五兩 海南班千應鶴 正鐵二百六十

五斤○前五衛將洪鳳顯每次五千兩○全 應泰每次五千兩○沔川民人千兩先納

自願軍二十七洞五百八十九名

二十四日晴

禁將李景夏出給五十兩錢于三清洞浮石所石手乾搗

饋

閩海營管建時所用正鐵數甚夥多不可以如干卜定鐵
繼用故別定差人下送于載寧地設店採取故茲以發閩
嚴飭該郡設店時別定校卒使之眼同看檢而松田則處
在驛大坊宋哥等卷木處即為許所治匠及炭匠輩亦為
押付兩入錢以某樣京上納中先為劃給後馳報

各色工匠一千四百八十八名 擔募軍八百六十九名

宗親府所捧錢一千二百四十一兩

幼學李涑五千兩內千兩先納

本都監所捧錢二萬六十二兩

成川民人一萬四千四百兩○北兵營二屬及各鎮

將一千二百六十兩○秦仁幼學金鍾淳一千兩先納

自願軍二十四洞三百九十四名

二十五日晴

傳曰景福宮役所工匠與擔軍募軍令營建都監乾搗饋
從優分給 本都監啓曰工匠擔軍募軍乾搗饋從優分
給事 命下矣工匠一千五百十九名每名錢二錢擔軍
募軍九百三十八名每名錢一錢合三百九十七兩六錢
分給事 傳曰知道

各色工匠擔募軍已見草記

宗親府所捧錢七百四十八兩五錢

本都監所捧錢二萬五千七百三十一兩

順和前五兩將金應玉一千五

百兩○茂朱進士柳燾三千兩先納○山陵侍陵人崔廣潤藁索一萬七千把○襄陽民人一千十兩○晉州幼學申大年千兩李仁夔再次二千兩○咸悅民人一萬二千二百兩○李俊壽五次三千兩

自願軍二十三洞四百十九名

二十六日晴

閔嶺營及奉化縣營建所用高柱大樑奉化縣多有可合之材故所伐次定牌將下送所伐出浦八月內到泊于京

江

閔鳳山本郡頓山洞居民朴學心以食主人來住於景福官外以賣飯為業故本都監使役石手輩十餘人一一

買飯而食價錢計給次錢八十一兩一錢已為逢授於朴

漢矣此漢忽然撤店而逃躲逢授錢未免白地見失豈有如許無據不測之漢乎此不可仍置勿問茲以發閑到即

朴漢窮搜捉因後同見失錢刻期懲捧定將枝上送

閔咸營景福官內七松亭蓮池改築之役咸興居出身鄭龍謙自願擔當舉行而物力錢鳩聚次令方成換標下送

另加督飭無遺捧送

各色工匠一千四百六十名 擔募軍八百七十九名

宗親府所捧錢三百四十九兩

本都監所捧錢一萬三千八百九十兩

全州幼學黃義淵萬兩○肅川伴林

希周
千兩

自願軍十四洞一百六十八名

二十七日晴

關畿營及東營營建所用卜定生葛有不足之端故各以
五千斤黍酌更為卜定到即知委於所產邑使之八月內
上送

關嶺營及完營前此卜定熟麻萬無排用之路故各以七
千斤黍酌更為卜定到即知委於所產邑使之九月內上
送北營亦六千斤更為卜定

關畿營 孝陵局內松木一個已為斫伐 溫陵木輸來

時同為運納

各色工匠一千四百六十九名 擔募軍九百二十名

宗親府所捧錢四百四兩

本都監所捧錢一萬八百二十二兩九錢木川民人三千
兩〇三嘉進土

俞致百千兩〇晉州幼學俞詒煥
二千兩〇嘉善金鼎九二千兩

自願軍十二洞二百五十七兩

二十八日陰

本都監啓曰平市令洪鍾聞本都監別看役差下所帶職
務相妨令該曹閑司相換何如 傳曰允引儀相換○簡儀臺
石等中得一金童長可三寸而衣金盡剝落因改金刻木

為蓮花趺座移置德山報德寺

各色工匠一千四百七十三名 擔募軍九百二十九名

宗親府所捧錢六百三十九兩

本都監所捧錢二萬四千七百四十八兩 秦川民人三千兩 利原居縣

監尹東敏 二萬兩

自願軍十四洞四百五名

二十九日雨自卯時至四更水深二寸一分

閔加平郡境內歧鉅匠廣加搜覓定將枝具鍊裝領付

閔錦營道內洪州元山羣山城堂瑞內大城里善手船匠

一、別區將校領付

各色工匠一千五百十二名 擔募軍九百二十四名

宗親府所捧錢二百八十四兩

本都監所捧錢三萬二千六百四十九兩五分 羅州牧島

陸民人一萬五千六百十二兩五分 義民人二千一百兩

自願軍十二洞二百八十二名

三十日晴

交泰殿浮塔成以擔軍擔上長椽六個 大院位賞二十

兩于木手等二十三兩八錢于擔軍等○青瓦燔造事遷

寢瓦匠八名放送蓋青瓦非常燔之瓦故其法不傳始令

分院店以沙泥土造成青瓦則一個所費至於八兩復造

土瓦塗青花燔出則物色渾合全不成樣復以已燔瓦面
塗以礪沙再塗黃丹三塗米糊加之波蘭燔出則稍成色
樣而亦不如舊件適有八人自言能造試之又不驗即為
放送

各色工匠一千五百二十三名 擔募軍九百十九名

宗親府所捧錢二百九十四兩

本都監所捧錢一萬六千六百六十九兩 全義民人一千二百六十九兩

惠民署前主簿李俊謨二千兩
○沃川金相基三千兩
○安山民人三千兩
○交河民咸錫七葉索三千把
○東幕民文喜發長木二十個

自願軍十洞二百二名 ○密陽漕船十五隻漕卒一百五

十名三日赴役每船草芑十件式願納

本都監啓曰七月朔本都監所捧願納錢為四十萬九千

六百五兩七錢五分 宗親府所捧願納錢為二萬二百

七十一兩八錢矣別成冊二件以入事 傳曰知道

七月朔各色工匠合四萬五千八百三十五名擔募軍合

二萬七千一百九十三名

自願軍一千二百六十五洞二萬八千六十九名

八月

初一日晴

傳曰景福宮役所工匠令營建都監乾槁饋 本都監啓

曰工匠乾槁饋事 命下矣工匠一千五百七名每名錢一錢擔募軍九百七十三名每名錢五分合錢一百九十九兩三錢五分給事 傳曰知道○神武門以木為虹霓樣子安于門限因排等虹霓石各門虹霓等式皆然 大院位行下三十兩二錢工匠一百三十名各一錢擔募軍七十六名各五分

各色工匠擔募軍見上草記

宗親府所捧錢三百七十二兩

本都監所捧錢二萬二千二百七十四兩

內鐵醫洪九爽二千兩再次○

宜寧民人三千三百九十五兩○公州監管及鎮管各廳一千六百二十兩○金海出身金魯益二千兩○平

壤府利川平川等坊民人七千二百十兩○端川民人一千七百七十兩○利原出身劉興龍一千五百兩

長端民人等葉索二十七萬七千四百七十把○坡州

出身金啓範兄弟葉索六萬把

自願軍十一洞三百三十四名

初二日晴

閱金川閱西卜定正鐵二萬斤船運上來之路金川何許浦口執留不放討索船價及分稅云船是過涉也容或討價而至於分稅是何名色此非高賈買賣之物即國役所用則所謂分稅用於何處况各浦口無名收稅之一切禁斷前後何如則種下之種尚有餘種而然乎同正鐵自

本府星火領來上納所謂何許浦口京監與浦監名色着
加定將吏上送于秋曹後報來

各色工匠一千五百三名 擔募軍九百十七名

宗親府所捧錢七百四十一兩五錢

本都監所捧錢三萬二千二百九十七兩二錢載寧進士
朴尚默二

萬兩再次○雲山民人三千八百十八兩○龜城民人
二千六百十兩○通津民人六百二十四兩二錢○肅

川吏民一萬三千
七百九十五兩

自願軍十六洞六百十名

初三日晴

後苑苗禾緣於松陰不善成熟高陽龍頭里民十名又三

日赴役獲而打取十五斗納于 大內

閑畿營及東營令此營建所用生葛再次卜定時如有代

錢之邑則每同二兩式上納事已為發閑矣近日初次卜

定上納者品甚劣下萬無入用之路茲又發閑到即知委

於初次未納邑與再次分定各邑一并代錢上送

閑畿營二建所用前次造作車子排用無路故限五十輛

急速加造然後可以及期舉行仁川竹林所在真木一百

介更為斫伐次定差人下送

閑完營及嶺營各邑石手今已赴役於本都監而自各其

邑又責軍役可謂一身兩役宜有呼寃之端故茲以發閑

到即知委各色付役間許令頭免軍役俾為全意使役之

地

各色工匠一千四百九十五名 擔募軍九百五十八名

宗親府所捧錢一百五十二兩

本都監所捧錢三萬三千七百六十八兩三錢 端川民人二萬兩再

次○松羅驛吏民千兩○永興民人一萬兩○禮山進士張胤植千兩○安邊世清社民人一千三十一兩

司譯院前正鄭在昕栢子板三百立出身孟喜慶礮朱

紅三百斤漢洞知事鄭有曾栢子板二百立

自願軍十九洞一千一百二十八名○宗親府使令八十

名三次十日赴役禁將李景夏以三十兩錢行下

初四日雨自開東至申時水深一寸六分

去夜丑時光化門之東石手艾幕十二間回祿延及光化

門基假家二十八間磨琢虹霓石十四塊焦而剝落綰端

石已等者皆致燻面并改琢之守直將卒以不謹團束施

以懲勸

各色工匠一千五百九名 擔募軍八百五名

宗親府所捧錢二百五十二兩

本都監所捧錢三千九百二十五兩 安美民人一千兩○

千五百兩訪花社民人七百三十
五兩○機張吏民六百七十兩

自願軍十三洞一千二十一名

初五日雨自卯時至申時水漲七分

慶會樓池石等停役移用石手於光化門役所

閔畿營 溫陵局內斫伐松檜木九十二個中松木三個

為潦水所漂不知去處故四處搜探則果於高陽境內盡

覓三個木而其中一個截為兩段其一段又不知下落故

別遣耳目一、摘奸則斷截一段在於新院里崔孫伊家

前而埋在土坎中以松枝掩蔽云莫重所用材木豈可無

難斷截乎崔漢所為萬、無嚴不可仍置勿問自營門發

閱該郡捉致崔漢嚴查

閱開城府營建所用石灰極為夥多以如干卜定無以繼

用故舊豐德巨豐里煮取次定差人下送使之專意舉行

私商潛賣都取之弊一切嚴禁

各色工匠一千五百七十五名 擔募軍七百四十名

宗親府所捧錢五百八十五兩

本都監所捧錢三萬三千三百七十六兩 載寧進士金奎
煇萬兩再次○

利原前五衛將全在點一萬兩
先納○北青民人一萬二千兩

自願軍十洞六百九十名

初六日晴

交泰殿排畫椽木正廳上大樑當中之處則不為蓋板以

備上樑

各色工匠一千四百二十名 擔募軍九百十七名

宗親府所捧錢五百三十四兩

本都監所捧錢七萬八千二百三十六兩 朔州民人四千

二千六百六十兩 ○梁山初學千致寬三千一百兩 ○

包麥別將金汝鉉五萬五千兩先納 ○晉州初學成夔

柱二千兩 ○襄陽民人三千八百兩內崔在亨一千七

百兩崔允斗一千兩 ○慶山民人三千三百七兩 ○永

興民金駮 鋪二千兩

自願軍十六洞八百九十名 仰鶴亭盧仁起 六次五日赴役

來

平安道卜定栢子板七立楸椴板各十立自遯川載船上

各色工匠一千五百五名 擔募軍七百八十九名

宗親府所捧錢七千七百六十四兩

本都監所捧錢一萬一千三百六十八兩 前五衛將金永

鎮岑民人二千五百三十兩 ○靈山民人三千五百十

兩 ○靈山前承旨李志鼎一千五百兩 ○星州初學鄭

在厦 千兩 自願軍二十一洞一千五百四十五名 三少民金時原二

各三日赴役 ○內醫女樓王再次

自當五十名三日以謝息赴役

初八日晴 光化門設輓轆堅浮塔柱高柱九二十六個高六十尺短

凡字勿書

柱十六個為二層浮塔上層極觀口俯瞰眩眼為竹欄繞以布帳

各色工匠一千五百三十三名 擔募軍七百九十名

宗親府所捧錢八十六兩

本都監所捧錢三萬三千一百三十兩五錢五分全州連

續萬兩○高州勿學韓序履千兩先納○春川民人七
千一百七十兩○天安民人三千兩○臨坡民人一千
四百九十七兩五錢五分○龍仁勿學李錫貞千兩先
納○吉州馬彭命宗中錢四千七百三十兩○昌原民
人三
千兩

自願軍二十六洞一千八百四十七名○貞洞軍人五百
名象五方面為旗分五方面為役亦一壯觀本洞居戶

曹佐郎林冕洙當其所費

初九日晴

閏春川府營建時需用次前府使在任時大樑三介樓柱
一千介斫伐積峙於本府棋檣面劈鍊木六百介大樑一
介斫置於本府北山外矣今番潦水盡為漂流云是豈成
說潦水雖云大漲豈有盡數漂流之理雖真漂流必有漂
到處則豈無搜覓執提之道乎此係莫重所需自本府多
發校卒沿江上下廣加窮搜期於準數提得到泊沙村里
各色工匠一千五百五十八名 擔募軍八百五十五名
宗親府所捧錢一百六兩

本都監所捧錢一萬六千五百八十六兩

報恩民人二千九十五兩〇尚

州幼學韓庠履二千兩每次〇新昌民人一千五百兩〇懷仁進士金敬熙萬兩

楊州居民徐

興順車永祿金漢永等生葛三千三百七十五沙里

自願軍二十二洞一千八百四十七名

訓白御營檢戎廳年每次赴役

初十日陰夜雨

神武門禁營所掌外虹霓是日成御營所掌內虹霓十一日成內虹霓高十六尺五寸廣十五尺外虹霓高十五尺五寸廣十三尺禁將李景夏御將許榮俱以四十七兩錢行下于工匠擔募軍等建春門役所禁將亦行下二十三兩七錢

各色工匠一千六百十九名

擔募軍八百三十八名

宗親府所捧錢一百九十四兩

本都監所捧錢二萬八十八兩八錢八分

慶州民人六千二百十兩〇韓

庠履千兩三次〇安邊前縣監金漢雄五千三百兩每次〇定州民人等五千兩每次

自願軍三十五洞一千九百七十八兩〇立屢市民二百

名三日赴役自三清洞曳建春門緘端石禁將李景夏

每日十四兩行下

十一日晴

關海營工建所用石灰五千石前已卜定矣間因三營所用灰之緊急卜定灰上送姑為停止而今則三營灰幾於

糶納本都監灰令方需用甚急依前開因夜糶取陸續輸

各色工匠一千五百二十五名 擔募軍七百四十三名

宗親府所捧錢二百五十四兩

本都監所捧錢一萬三百五兩 尾津民人五千七百七十兩 法聖吏民二千三百

九十三兩 全羅左右道才人等千兩 再
次 龍仁前部令南建正五百兩 先納

自願軍二十六洞一千六百十八名

十二日晴

各色工匠一千五百八十三名 擔募軍八百二十名

宗親府所捧錢一百六十八兩

本都監所捧錢七千四百十九兩五錢 楚山吏民二千二百兩 先納 伊川

民人四千七十兩 先納

自願軍三十九洞二千二百三十四名

十三日晴

關畿營口建所用木物極為浩多楊根北面旆沙川李班家私卷山所在木斫伐次別定木手下送斫曳出浦領納沙村里

各色工匠一千五百三十五名 擔募軍八百三十八名

宗親府所捧錢七百七十二兩

本都監所捧錢五千一百六十九兩九錢 果川吏民四千四百七十九兩

九

自願軍二十九洞一千六百一名

尾匠七十名九日赴
役交泰殿蓋瓦告竣

十四日晴

關嶺營及完營道內泗川居金象元居昌金秀源宋錫俊
晉州羅丁雲金萬菴金制得河東朴鳳學光陽金鳳雲陝
川朴滄出昆陽金漢得俱以石手赴役於都監而自其邑
又責軍役可謂一身兩役宜有呼冤之端故茲以發關到
即知委各邑赴役間許令頭免軍役俾為專意使役星州
石手金致大本無身役而不意外從祖名下一族無利橫
侵勒奪云此是莫重 國役舉行之匠色則此等無利當

為拔例頭免特為勿侵之意知委該牧

各色工匠一千五百九十八名 擔募軍八百五十三名

宗親府所捧錢一百三十四兩

本都監所捧錢一萬五千三百六十二兩六錢八分德源
初學

尹鏞燮千兩○尹宅莘二千兩○昌寧吏人八千九百
一兩四錢八分○吉州民人二千兩先納○瑞山閑良

金構祚葉
宗七千把

自願軍二十二洞一千五百九十五名

沔川初學李祐信
出百名再次日

十五日晴

各色工匠一千五百九十五名 擔募軍八百五十一名

宗親府所捧錢九十七兩

本都監所捧錢一萬五千九百五十五兩

江華閔良張時
潤千兩○彥陽
吏民四千八百二十兩○德川民人五千四百兩○江
華民人再次赴役代錢千兩○泰仁縣監徐相鉉二千

自願軍十三洞八百二十一名

衙管卒一百八十六名再
次赴役三營軍卒哨二分

十六日晴

千秋殿基稍近欽敬閣舊址而修之以取便於行閣之制也

各色工匠一千五百四十九名 擔募軍八百二十一名

宗親府所捧錢二百六十八兩

本都監所捧錢二萬四千九百八十五兩二錢

任實民人
九百三十五兩一錢各廳吏二百二十兩○德源幼學
李行直二千兩○前參奉韓永琦二千兩○前中軍安
義亨二千兩○平康吏
民四千三百七兩三錢

自願軍二十一洞一千一百六名

十七日晴

閔畿營積城縣居慶班多年私卷山楳木茂密將欲埋炭願納故茲發閔隨其埋炭鱗次輸納之意知委該邑

各色工匠一千五百六十九名 擔募軍九百四十八名

宗親府所捧錢五百八十三兩

本都監所捧錢八千四百九十七兩

山清民人五千二百
兩○德源前五衛將

金卷後二千七百兩

自願軍二十八洞一千四百十六名

十八日晴

各色工匠一千五百六十四名 擔募軍九百二十名

宗親府所捧錢二百五十五兩

本都監所捧錢一萬一千二百四十七兩 咸安民人一千二百一兩〇德

源幼學金文信一千五百兩〇順天民人九百二十兩〇慶潼吏民五千兩〇綾州牧民人一千五百兩

自願軍三十四洞一千八百六十五名

十九日晴夜驟雨水深六分

交泰殿蓋瓦畢殿脊上則蓋以無樑瓦 獨交泰殿庫四角

觚稜椽末俱冒以鐵吐首 象龍頭以至日鑄成重各六十斤 自交泰殿至

興禮門及四門慶會樓修政殿則用鐵吐首其餘則以瓦

吐首

各色工匠一千六百十一名 擔募軍八百八十二名

宗親府所捧錢五十七兩

本都監所捧錢二萬二千一百七十八兩 居昌吏民八千七百六十八兩

狼川進士金昌奎千兩〇後朱進士柳燾一萬二千兩再

自願軍二十四洞一千二百三十名

二十日晴

關海營已建時各樣木石輸運次道內單驅車三十輛待

秋成上送事前已書目題送而見今役事時急限六十輛
來九月旬前上送

各色工匠一千六百三十九名 擔募軍八百九十二名

宗親府所捧錢一百三十九兩五錢

本都監所捧錢一萬六千一百十四兩五錢 定平民人一萬一千三百

五十五兩○韓庠履千兩四次○抱川民人一千四百五十三兩五錢

自願軍三十七洞一千九百六名

二十一日晴卯時下霜

閔錦營二建所入木物極為浩多藍浦庇仁李班家私養
山所在木斫來次別定牌將下送斫曳出浦領納沙村里

各色工匠一千六百三十名 擔募軍九百十五名

宗親府所捧錢二千二百一十一兩

本都監所捧錢三千六百四十兩 求禮民人二千二百二十兩○金堤幼學劉洛

龍千

自願軍十八洞六百五十九名

二十二日晴

萬春殿修基○文齋殿行閣修基○西闕殿閣存其崇政
殿會祥殿及正心閣思賢閣興政堂而其餘盡毀來木材
則多朽敗取其所長參用于內人間及各司建造自是日
拔殿庭所鋪磚石及塔砌之石先用於光化門役所

各色工匠一千六百四十名 擔募軍九百二十六名

宗親府所捧錢八千九十六兩 幼學李養鶴三千兩 景茂三千兩 進士李秉

春千兩

本都監所捧錢一百四十七兩

自願軍二十一洞七百八十五名

二十三日晴

移文惠廳本都監需用次本廳木二十同移來取用而

價錢二千兩輸送

各色工匠一千六百九名 擔募軍八百八十五名

宗親府所捧錢一百十二兩

本都監所捧錢一萬九千八百十五兩七錢五分 咸營士

兩〇統營各廳各鎮將及民人七千三百十四兩七錢五分 〇沃川前學官金東菴九百兩再次 〇沃川前縣

監金億洞千兩再次 〇殷山民吏九千二百八十五兩

自願軍二十洞一千四十名

二十四日晴

神武門口樓定礎御將許榮禁將李景夏各三十兩行

下于工匠等

各色工匠一千七百十二名 擔募軍一千八十三名

宗親府所捧錢五十九兩

本都監所捧錢九千八百六十六兩 珠島民人八千七百五十六兩

自願軍十七洞四百八十八名

二十五日晴

關東營上建所用各樣木物數甚夥多以如干卜定質來之木排用無路江陵儲將浦八松亭等地私蒼山有可合之材云故別定幹事人下送

各色工匠一千七百七名 擔募軍一千三百七十七名

宗親府所捧錢四十三兩

本都監所捧錢一萬五百二十八兩 新寧民人千兩 永川民人三千六百兩

前五衛將崔錫祚五千兩先納

自願軍二十洞七百七十三名

二十六日晴

各色工匠一千七百五十三名 擔募軍一千八十七名

宗親府所捧錢二百二十二兩

本都監所捧一萬九百六十六兩 南海民人六千兩 昌平民三千八百九十一兩

兩

自願軍三十三處一千四百十一名

二十七日晴

迎秋門虹霓始造御將許榮行下二十兩錢于擔募軍等各色工匠一千七百三十四名 擔募軍一千一百三十名 宗親府所捧錢七十二兩

本都監所捧錢二萬四百二十三兩四錢

德山人六千
兩口全州前縣

監鄭彥述一萬
三千兩三次

自願軍二十二洞六百九十九名

二十八日晴

閩南陽府營建所用大樑木斫伐於安眠島使之運來矣
令月初十日夜大風所載船隻未免致敗大樑木八株到
泊於本府伊作島矣自本府運納于沙村里以為及時需
用之地

各色工匠一千七百十五名 擔募軍一千一百五十一名

宗親府所捧錢三百四十四兩

本都監所捧錢一萬七百七十兩

慶州民人五千兩口唐
津吏民二千八百五十

兩口德源初學全
辰伯一千六百兩

自願軍十五處四百八十二名

二十九日晴

各色工匠一千七百五十三名

擔募軍一千二百五十五名

宗親府所捧錢四百五十八兩

本都監所捧錢三千四百八十一兩

昆陽吏民
三千兩

自願軍十二洞三百十七名

三十日晴

交泰殿東西朴官以麗石繡而等成當中則各一太極而

東曰萬壽西曰無疆俱以篆字泥匠之目巧亦工矣
各色工匠一千七百七十一名 擔募軍一千二百五名

宗親府所捧錢三百兩

本都監所捧錢二萬一千七百三十二兩

安州民人二萬兩先納○豐川

伴李基祖六百兩再次

自願軍二十三洞七百十七名

本都監啓曰本都監所捧願納錢為五十三萬三千六百

五十二兩八錢六分 宗親府所捧願納錢一萬九千一

百三十一兩矣別成丹子二件以入事 傳曰知道

八月朔各色工匠合四萬八千十六名 擔募軍二萬

八千一百五十九名

自願軍六百六十三洞合三萬四千六百五十三名

九月

初一日晴

傳曰景福宮役所工匠令營建都監乾槁饋 本都監啓

曰工匠乾槁饋事 命下矣工匠一千八百二十四名每

名錢一錢擔募軍一千三百三十五名每名錢五分合錢

二百四十九兩五分給事

各色工匠擔募軍見上草記

宗親府所捧錢七百六十二兩

東曰萬壽西曰無疆俱以篆字泥匠之目巧亦工矣
各色工匠一千七百七十一名 擔募軍一千二百五名

宗親府所捧錢三百兩

本都監所捧錢二萬一千七百三十二兩 安州民人二萬兩先納○豐川

倅李基祖六百兩再次

自願軍二十三洞七百十七名

本都監啓曰本都監所捧願納錢為五十三萬三千六百

五十二兩八錢六分 宗親府所捧願納錢一萬九千一

百三十一兩矣別成丹子二件以入事 傳曰知道

八月朔各色工匠合四萬八千十六名 擔募軍二萬

八千一百五十九名

五百四十洞合三萬四千六百五十三名

九月

初一日晴

傳曰景福宮役所工匠令營建都監乾槁饋 本都監啓

曰工匠乾槁饋事 命下矣工匠一千八百二十四名每

名錢一錢擔募軍一千三百三十五名每名錢五分合錢

二百四十九兩五分 給事

各色工匠擔募軍見上草記

宗親府所捧錢七百六十二兩

本都監所捧錢一萬一千九百九十兩

三千七百七十兩○清風民人三千兩○永川民人二千兩

自願軍十五洞四百四十七名

初二日晴

關嶺營口建時治木所用礪石數甚夥慈軍院寺所在舉皆品劣故軟礪石二十塊別為卜定極擇品好今月晦內上納之意知委所產邑

各色工匠一千七百四十五名 擔募軍一千二百四十七名

宗親府所捧錢八百六十四兩五錢

本都監所捧錢一萬三千二百十五兩二錢

全海民人五千五百兩○永

興金晉奎三千兩○咸平民人一千九百四十六兩○高州民人三千兩侍陵人楊元成募

索七千把鄭元一三萬二千八百把李貴孫一萬一千

把

自願軍三十洞二千七十二名

●白木屢市民出六百名東大門內所存大鐘自願樑來當日到先化門前元體并龍頭高八尺六寸廣五尺五寸厚九寸五分按其刻

即世祖朝為興天寺所鑄而俗傳今之東學基址即

興天寺舊址也興天寺移為今新興寺而鐘因棄置云

耳先是新興寺僧徒千餘名欲曳去而鐘即牢住不動

未能運致 大院位以為先化門之西所存舊鐘既破

可移此鐘懸光化門樓矣及是市民縵以六百名曳
八類似容易大是異事也為其佛家之咒來十一月八日以其新興寺僧供齋于鐘

鐘銘并序

嘉靖大夫吏曹判書臣韓繼禧奉 教敬撰

宣教郎寺吏曹佐郎藝文奉教兼承文院副校理臣

鄭蘭宗奉 教謹書恭惟我

承天體道烈文英武殿下誕膺天命握符開運疆宇安
恬風雨時順於是端居清穆恭默思道至聖之德景瑞
以應乃於七年辛巳夏五月壬子釋伽如來舍利分身
於檀巖寺祥光瑞氣薰灼于天異香勃鬱遍滿山谷孝

寧大君補在寺進二十五枚 上與 慈聖王妃禮於

內殿又分身安于舍元殿又分身越丙辰大君又得又

進王妃禮於內殿又分身丁巳 上親製伽陀杖之管

絃偈王妃供卷於舍元殿又分身前後所得分身舍利

總一百又二檜巖會中人自取去又不知其幾 上大

歡慶肆赦發大誓願親自翻譯楞嚴經率宗親政府六

曹臺省諸將為祖宗及一切舍靈造如來像一軀又為

中宮世子造一軀又夢觀音地藏二菩薩相對之異乃

造二像既成各安舍利於中安靈于禪宗興天寺之舍

利閣 上同王妃禮拜於寶座燎香供卷命鑄鴻鐘以

警六時以導幽滯刻此緣起昭示無窮為銘曰惟我
聖神夙受佛記手執金輪繼天出治嚴恭寅畏不違假
寐神人協和靈貺駢至仰惟 大覺廣攝緣類設利分
身現希有事驚動耳目晃曜天地靈瑞震動曠劫罕比天
心悅豫弘誓發誠像設眸容演了義經福我 烈祖延
及舍靈宗圖永固彌億萬齡惟佛道弘善拔幽滯惟
聖體佛大悲曠濟冶金鑄鐘開覺一切息苦警昏窮未
來際 天順六年壬午十月日監鑄都提調孝寧大君
臣補臨瀛大君臣瑯永膺大君臣琰提調正憲大夫戶
曹判書昌寧君臣曹錫文正憲大夫中樞院使臣金漑

嘉靖大夫中樞院副使京畿都觀察點陟使臣金從舜
嘉靖大夫中樞院副使吳斌君臣柳子煥嘉善大夫兵
曹叅判臣全國先副提調崇政大夫承政院都承旨臣
洪應嘉善大夫行同判內佐府事臣中雲郎廳折衝將
軍行忠佐衛大護軍臣金石梯奉正大夫行戶曹正郎
臣禹竣
初三日晴
各色工匠一千七百六十四名擔募軍一千二百十七名
宗親府所捧錢七十一兩
本都監所捧錢七千四十七兩五錢始興民人三千二百
十九兩五錢〇公忠

水營吏民一千一百三十兩○保寧民人一千一百八十兩○陝川初學尹晉達三千兩

自願軍三十八洞一千八百三十一名

初四日晴

完伯趙在狀啓左水營及加里浦鎮風落松株數成丹上

送事傳曰付之營建都監

關完營道內左水營所屬各鎮及加里浦所管各處封山松木風落者合為五萬九千四百五十七株事狀啓判付內付之營建都監判付內辭意奉審施行別定幹事營校幾人分送各鎮無論大中小擇其直長體大者裝載船隻星火上納其餘小者不用木及體大斫伐枝葉段并為從

市價量宜發賣以其價錢取用於曳運雇及船運之費而其餘錢幾許與運納株數并一之修成丹消詳報來以為憑考俾無一毫疎忽中間闕失有名無實之弊

各色工匠一千七百四十九名擔募軍一千二百二十六名

宗親府所捧錢一千四百二十四兩

本都監所捧錢一萬五千九百四十九兩鐵原民人一千五百兩○振威

民人一千一百四十兩○价川民人一萬一千七百二十
十三兩○長咸初學金京聚白紙一百卷○井邑進士
安命壽二千兩○長滿金日天一尺五寸釘
一百三十介○租籠契人等租骨三千

自願軍四十二洞二千六十名

初五日晴

康寧殿大樑八個以擔軍擔上于浮塔其中 光陵木二
個則一根兩榦并立挺直不少叅差人愛之謂兄弟松矣
至是又并八為樑矣 大院位行下工匠及擔軍等兩次
合一百六十兩○光化門以石役未及自初一日為始間
日為夜役

各色工匠一千七百三十一名 擔募軍一千二百五十八名
宗親府所捧錢二百三十兩

本都監所捧錢五百六十五兩

自願軍三十一洞一千三百五十八名

初六日晴

本都監啓曰各殿堂營建吉日時今日官推擇則

舍元殿麟趾堂定礎來十月初九日申時立柱同月二十

四日卯時上樑來十一月十六日子時

千秋殿定礎來十月二十二日卯時立柱來十一月初七

日卯時上樑來十二月初九日卯時

萬春殿定礎來十二月二十四日卯時立柱來丙寅正月

十二日卯時上樑丙寅二月初二日寅時俱吉云以此日

時舉行事 傳曰知道

各色工匠一千六百八十名 擔募軍一千二百二十七名

宗親府所捧錢七百七十三兩

本都監所捧錢三萬九百四十兩七錢六分大護軍朴道性千兩〇南

陽民人一千一百兩〇南原民人九千九百六十五兩〇陰竹民人一千一百一兩六錢六分〇德原幼學高承昊二千兩〇永興孫晉浩千兩〇水原出身陳奎昌千兩〇淳昌民人九千二百二十五兩

自願軍三十一洞一千三百七十名

初七日雨

本都監啓曰景福宮各殿堂營建時上樑文製述官書寫官別單書入事傳曰知道

舍元殿上樑文製述官金炳冀書寫官閔致久

麟趾堂上樑文製述官金炳國書寫官李宜翼

千秋殿上樑文製述官洪在喆書寫官朴齊韶

萬春殿上樑文製述官李敦榮書寫官申觀浩

假家之外緣兩停役亦無自願軍

各色工匠一千五百五十六名擔募軍九百三十一名

宗親府所捧錢八百五兩

本都監所捧錢二千六百九十五兩七錢全羅右水營各鎮將及民人二千七百三錢

自願軍二名

初八日朝雨晚晴自昨日開東至是日開東水深三寸

二分

神武門蓋瓦及康寧殿以日寒停役

各色工匠一千五百七十一名 擔募軍八百六十三名

宗親府所捧錢三十一兩

本都監所捧錢四十兩

自願軍二名

初九日晴

大王大妃殿以司謁口傳 下教曰今十三日當賜饌于

營建都監矣都提調以下來會○麟趾堂修基

各色工匠一千六百八十三名 擔募軍一千一百四十九名

宗親府所捧錢一百二十六兩

本都監所捧錢一萬二十八兩四錢

金提民人二千八百兩○鏡城民人六千

兩○前五衛將馬行逐千兩

自願軍二十三洞一千二百六十一名

初十日晴

大王大妃殿傳曰法宮殿閣次第經始矣永念鄭道傳定

名祝頌之辭千載之盛不覺曠感且國師無學之當時勤

勞屢見於國史野乘而雖欲示意無處可施矣奉化伯鄭

道傳特為復勲賜謚其祀孫令該曹問名健元陵叅奉作

窠擬入○去月二十日壬子搆鐵龍假家設鑄爐同月三十

日壬戌鑄鐵龍半體以土為鑄樣始鑄全是日壬戌又鑄半體

與前所鑄合成全龍其腹則虛左右各陰刻云大清同治

四年乙丑壬午壬戌為始九月初十日壬申合體鑄成一
雙至丁卯七月十二日丑時慶會樓池壬方之石等下泉
穴圍石作函浸一雙首南尾北使牌將池福祿行告祀設
餅與果各一罍玄酒一卣因宣讀告祀文其文曰水流濕
雲從龍所以感者氣類 天一生坎六旺得其位者理數
蓋為用之莫如固所克者維何 凝陽壬之水精鑄雙
龍以鐵花 神必驚其逼真天應許其奪造 儼頭角而
淨嵎長三百之鱗也 迺變化之無窮聿台祥而弭災
水用事則火滅坎受氣則離消 息光怪於焚躔掃毒
於鶉墟 因回祿於百劫迓德真於千里 仗王靈之攸

暨回天工而人代 含水氣而常噴護官闈於萬世 別看
役全

在洙所製

各色工匠一千七百二十名 擔募軍一千一百五十一名

宗親府所捧錢四百三兩

本都監所捧錢九萬五千九百五十四兩 澗川幼學趙敬
錫房錄本八十

介○清安民人一千七百四十兩
○義州民人九萬三千三百兩

自願軍三十五洞一千九百四十四名

十一日朝晴午雨

閑安山機械所入木物境內居趙八豐柳良私菴山所在
松木斫伐願納如有為弊之端一切禁斷即速舉行不日

內輸納之地

關東管楸椴板質取於道內麟蹄地運置江邊矣今番潦水盡為漂流今無一立見存故不得已更為所求次差人給價下送到即楸椴板各一千立楸椴豆里木各五百介星火斫伐期於冰合前到泊京江流下時各別護送之意知委

關海管登山僉使朴重根以本都監牌將今方看役不得赴任假將勿以營校定送以該鎮首校代察之意知委施行

各色工匠一千七百八十九名 擔募軍一千二百四十六名

宗親府所捧錢一千四百十八兩

本都監所捧錢八千六百五十八兩

仁川民人三千三百五十八兩六錢〇分

興梁基河千兩 魯宗周二千兩

自願軍三十六洞一千九百四十名

十二日晴

關箕營及開城府各殿堂丹雘與塗稍所入家猪毛各一百斤黍酌卜定到即星火鳩聚來十月念內準數上送以為及時入用之地

關安山郡名不知南哥為姓漢假稱管建所用木物無難斫伐於本郡柳班家山所討索貽錢為弊多端云宛厥所

為萬之痛惡自官定將校捉上本都監以為嚴處之地○
舍元殿修基

各色工匠一千六百八十五名 擔募軍一千三百三十五名

宗親府所捧錢三百七十五兩 幼學李時圭 詩箋紙五束

本都監所捧錢一萬五千二百七兩 東幕出身崔萬亨 萬兩 嶺管軍杖金達

權二千兩 木印下吏鄭魯潤千兩 再次高 故民人九百七兩 富亭民人一千一百兩

自願軍三十七洞一千五百四十五名

十三日雨自巳時至酉時水漲四分

都提調以下皆來待及 賜饌下時食之物畢具都提調
交子床各一坐副提調羅大盤各一坐都廳郎廳監造官

分三處交子床三坐別看役計士以下至牌將負役工匠

等各有差○擔募軍處錢二十九兩四錢四分 擔募軍七百三十二名

募軍七百四十一名 每名二分 自願軍處四十八兩 九百七十五名 每名五分 自本都

監行下

各色工匠一千七百四十五名 擔募軍 見上

宗親府所捧錢三千十九兩 幼學李仁泌 宗中三千兩

本都監所捧錢二千七兩 長水民人一千八百三十六兩

自願軍二十七洞九百七十五名

十四日晴

開京畿黃海江原公忠道即聞沿江上下秋收之穀過冬

之柴以本都監運木之致各浦船隻皆被拘執水路往來
殆同阻絕云此必有管領輩憑藉討索而然也柴糧為日
用不可闕之物而况漸值冰塞萬一有匱乏不繼之憂則
是豈成說乎到即星火嚴飭於沿江上下各浦口凡係未
往船隻無敢憑藉操縱使之陸續流通後形止斯速報未
之地

各色工匠一千八百八十二名擔募軍一千三百六十九名
宗親府所捧錢一千二百十五兩五錢
本都監所捧錢二百一兩
自願軍十六洞五百八十六名

十五日雷雨

本都監啓曰景福宮營建之役極為浩大翰城察訪文義
說南陽監牧官金東赫別看役差下事 傳曰知道

各色工匠一千七百三名 擔募軍一千三百九十三名

宗親府所捧錢三十兩

本都監所捧錢九百八十兩

自願軍十三洞四百四十四名

十六日朝兩晚晴自十五日辰時至是日開東水深一寸三分
戌時光化門之樓定礎先行告祀牌將金振聲為獻官祭
物則一牛三豚餅三甌果三色大小米各五石布木各十

匹錢百兩其他節次與他殿堂無異是日堂郎齊進
各色工匠一千五百八名 擔募軍一千三百一名

宗親府所捧錢二百十二兩

本都監所捧錢三千六百九十兩

龍仁幼學李增千兩再
次〇价川伴趙應夏正

鐵一
千斤

自願軍十四洞六百十三名

十七日晴

本都監啓曰各殿堂各門懸板書寫官別單書入事 傳

曰知道

交泰殿懸板書寫官曹錫元 康寧殿懸板書寫官李載晃

延生殿懸板書寫官李載元 慶成殿懸板書寫官趙成夏

舍元殿懸板書寫官趙寧夏 麟趾堂懸板書寫官李周喆

千秋殿懸板書寫官鄭範朝 萬春殿懸板書寫官宋熙正

先化門懸板書寫官任泰瑛 建春門懸板書寫官李景夏

迎秋門懸板書寫官許榮 神武門懸板書寫官李顯稷

○訓局自是月初八日始城役于神武門之左右矣自是

日又改以自先化門東西至兩十字閣上與城訓局掌之

自西十字閣至神武門御營掌之自東十字閣至神武門

禁營掌之是日禁營因訓局之等而始役御營始于來十

九日訓局始于來十月二十一日先毀舊城因統柵于外

蓋毀城亦一大役也

各色工匠一千七百十名 擔募軍一千四百四十九名

宗親府所捧錢一千五百六十兩 初學李觀喜一千五百兩

本都監所捧錢一千七百四十六兩 清河吏民一千七百四十六兩 青陵初

學李裕相大碑石一百張

自願軍十四洞五百四十三名

十八日晴

吏曹啓曰奉化伯鄭道傳復勲賜謚其祀孫令該曹問名健元陵叅奉作窠擬入事 命下矣自吏曹探知則奉祀無人只有支孫云待其立祠主祭者後舉行事 傳曰知

道

各色一千七百四十名 擔募軍一千三百七十六名

宗親府所捧錢五百七十七兩

本都監所捧錢九千八百六十兩 丹陽民人二千兩 韓山民人一千四百七十

四兩 泗川民人四千三十六兩 金城民人二千兩 再次

自願軍十洞二百九十一名

十九日晴

關嶺營奉化縣斫伐材木十六株內四十五尺以上木四株某樣輸納其餘十二株以路險之致特許還寢事已為題下矣見令營建材木自經潦水漂流之後諸般需用極

為苟艱且已斫之木不可棄置茲以更閑還寢十二株腰折作板曳運江邊以為輸納頭折邊板不必同為載送自本縣從便區處

閑加平及抱川縣營建時治木鍊粧所用白炭質取於加平郡修理峴抱川縣北機池里如有閑雜輩沮戲之弊則定將校嚴飭使之專意舉行

閑東營勤政殿大樑高柱木三介已為斫置江陵地而非但體大以嶺路之逶迤險峻難以輸運云大抵此木上來然後法殿可以改建輸運之節自都監下送木手與擔軍擔當運來而道路則自該府多發民丁汰落與傾仄屈申

處隨即修治大嶺一路必須平坦以為無碍擔運之地事江陵府另加知委施行

各色工匠一千七百五十九名擔募軍一千四百五十七名

宗親府所捧錢一百五十五兩

本都監所捧錢二百二十兩

自願軍四十九洞一千八百三十名

二十日晴

傳曰日氣峭寒景福宮役所工匠令營建都監乾槁饋本都監啓曰工匠乾槁饋事 命下矣工匠一千九百三十五名每名錢一錢擔募軍一千三百八十六名每名錢

五分合錢二百兩一錢分給事 傳曰知道○坊外工匠
并製給青綿周衣各一領合為六百領待明春日暖時使
之遷納

各色工匠擔募軍見上章記

宗親府所捧錢一百四十兩

本都監所捧錢三千七百七十一兩五錢

杆成民人一千三百兩○粟峰

驛吏民一千四兩五錢

自願軍十五洞七百九十六名

二十一日晴

閑嶺營完營及錦營畿營大樑松木二株斫伐於江原道

三陟府已為曳運到海汀而此木水運之路自海汀由東
海歷南海達于西海當抵祖江見今大役旁午諸般應入
木石俱備而所無者只大樑高柱等體大之木則其所需
用一時為急茲以三懸鈴發閑頂諒莫重莫大緊急需用
之意即時各其境內沿海各邑別閑嚴飭多發枝卒執捉
完固船隻所經各邑鎮堡次之替運必於冰合前使之到

泊京江

各色工匠二千四十四名 擔募軍一千三百六十五名

宗親府所捧錢八十五兩五錢

本都監所捧錢一萬一百四十一兩

連山民人三千兩○全考詢一千兩再次

○南平民人一千二百七十六西再次○濟州
民人二千五百西再次○林川伴尹榮輔千兩

自願軍二十二洞一千一百十六名

二十二日晴

自禮曹牒呈上樛儀 設帳幕於塔上設上樛文案於帳
幕之內南向設香爐香盒并燭於其前皆有案 設都監都提
調以下位於帳幕之南庭中異位重行北向設贊儀引儀
位於塔下西向其日上樛時至引儀引都提調以下俱以
無揚黑團領就位贊儀唱四拜都提調以下皆四拜贊儀
唱跪都提調以下皆跪司香二人進香案前跪三上香退
讀文官進案前跪執事跪取上樛文對展讀文官宣讀訖

復位贊儀唱俯伏興四拜興平身都提調以下俯伏興四
拜興平身引儀取上樛文陞置上樛引儀引都提調以下
出○自吏曹牒報神武門上樛時各差備官磨鍊讀上
樛文官典翰李明應司香官二禮曹佐郎金鴻植奉常
主簿李應呂執事二廣興令金友根濟用副奉事丁大

林

以後上樛時讀文官及執事例以
本都監都廳郎廳監造官差出

辰時神武門上樛先祀于山神用豕一因設位于虹霓門
月臺上陳白木十匹白米三石錢五十兩祭物用牛一餅
果湯各三色獻官檢戎使李顯稷行單獻其外節次一如
樛文之儀是時門已成矣宗樛之下預具一樛鑿其背為

納上樑文之所矣至是抽樑納文而復上之各門及諸殿堂皆然上

樑文則以墨橫書于無文紅孔緞一匹上樑訖所陳之物

付之本手房蓋上樑木手之事也以後上樑皆如是是日堂郎齊

進

神武門上樑文

伏以遂開明堂坐以治洪基闡黃圖之制譬如北辰居其

所神樞鎮玄武之方翼然輪輿之重新美哉臯應之有

伉粵惟景福宮肇建實我開國初正衙天地冲和之

萃于上都定洛邑南途北鄙殿閣體勢之比諸中華按考

工後市前朝熙洽昌辰常致苑囿之遊麟鳳明良賦際

尚傳宮池之集夔龍次第闢虞家賓四之門屹然起箕

疇履一之地外修禮四賁之典左闢玄扉上應朝七星

之躔右旋黃道青春之冠冕隨入曰朝曰覲曰會曰同

九天之間闔對開自西自東自南自北第經龍蛇以後

尚稽輦革之規慕深見塙曷比先王觀也思存肯構必

與百姓同之恭惟主上殿下紹正統於神聖相承膺

哲命於天人共與寶婺增耀隆養長樂之闡壽酌呈祥

嘉頌騰尚冠之邸建政堂而繕宗府汴京之省署重修

詢卿士而謀庶民冀方之風水可驗道洽政治可見邦

舊而命新地利人和莫云舉羸而時絀乃棟靈臺經始

之日允懌楚邱定中之祥 藻棟雕題宛鸞翔而鵬舉盡
椽彩楹况玉瑩而珠聯 二南風化之所由基燕寢之上
筮下算三代文物之所可述法殿之左城右平 北瞻金
門將之容上據禁城肅之地 黃鍾定律符神機於
靖清玄陸凝陰象武功於嚴重 梯虹飲月負華嶽而齊
高瓦鱗連雲面光化而對峙 倂水虎而申警紫陌夕鍾
放金魚而洞開瓊樓曉漏 遵周行而共由是路啓宋門
而正如我心 內苑之瓊花交輝瓊珮頻響北宙之彩雲
長住鸞輿時迴 拓四窓九楹之基一家氣像俯五劇三
條之路八荒庭衢 挹沆瀣而斡璇樞冬令是日綴梁恩

而扶繡闥斗運于天 聖德神功長祝九五位寶錄文謨
武烈香頌億萬載純禧 恭陳九如之詞庸效六偉之禱
兒郎偉拋樑東祥暎化國曉舒紅 陽和布澤春嘯茁
萬品昭蘓發育中 拋樑西紫薇堂近五雲齊 煌之寶
扁黃金字宛是當年大筆題 拋樑南薰風殿角瑞光含
朝天帝珮陪仙仗賀語齊騰萬歲三 拋樑北門前輦
路青繩直 星羅四百域中州萬象芸之咸會極 拋樑
上穆之皇穹垂景貺 鳳舞龍翔拱紫宸鬱葱佳氣元和
釀 拋樑下祥雲瑞雨箕封野 康衢老少遍歌謠檢入
吾 王大庇厦伏願上樑之後瑤環與兩曜迭運璇扃為

百靈所扶 乾坤闔闢之方便惟君子是出入風雨陰陽
之和會為萬世開太平 華留趙得林奉 教謹撰 大

護軍李源命奉 教謹書 乙丑九月二十二日辰時○

先化門樓上層以擔軍擔上道里木 大院位行下十兩
錢于擔軍等一百八又每名白木各一匹賞給訓將任泰
瑛亦以此數行下

各色工匠一千九百七十三名 擔募軍一千四百八十名

宗親府所捧錢九十九兩

本都監所捧錢三萬四千一百八十五兩 宜寧件徐有英
千兩○星州幼

學呂東行二千兩○善山民人二萬四千七
百十三兩○江界吏民六千三百九十二兩

自願軍十六洞九百七名

二十三日晴

傳曰營建所役事旁午日氣漸寒工匠與擔軍輩之式日
赴役露處勞苦實所矜憫惠廳所在木從實數各一匹題
給事分付 本都監啓曰工匠與擔軍從實數惠廳所在
木各一匹題給事 命下矣各色工匠及擔軍合三千一
百五十名每名木一匹式合六十三同以惠廳所在移來
題給餘木二同留置本都監而漢車之夫與各營車夫其
所勞苦與工匠無異車夫合五百四十五名每名木一匹
代錢三兩式合一千六百三十五兩自本都監從厚題給

事 傳曰知道○禁將李景夏行下十八兩二錢于建春

門檐軍等

一百八十二名每名一錢

各色工匠一千九百十五名 檐募軍一千五百三十一名

宗親府所捧錢一千八十二兩五錢

如學李基邦千兩

本都監所捧錢二萬七千二百六十九兩

星州民人一千九百二十五兩

○永川民人三千兩 ○咸昌民人二千兩先納○光州民人一萬五千七百三十四兩 ○興海民人一千九百

兩 ○平山民人二千兩先納

自願軍十三洞五百六十五兩

二十四日晴

閔海營及載寧郡向以私養山松楸之可以埋炭者即為

給價買得埋炭吹鐵事有所發閑矣今聞長壽山最近處大廳峴金姓人家都山及葛里山尹姓人家都山之松楸足可埋炭吹鐵云故茲以發閑到即閑飭於載寧郡使之自官買給於御營廳吹鐵監官太德周處以為即速吹鐵之地

各色工匠一千九百二十名 檐募軍一千五百十六名

宗親府所捧錢一百四十五兩

本都監所捧錢一萬七千二百九十五兩二錢

義興吏民九千兩

○井邑幼學朴敏鎬千兩 ○聞慶民人三千九百兩 ○延豐民人千兩 ○懷仁民人一千四百五兩

自願軍二十七洞一千十八名

二十五日晴

閱完營口建所用木物斫伐於順天康津興陽等三邑順天康津兩邑株數已為修成丹上來而興陽尚不修報是何委折既無成丹株數何以憑考捧上即為知委該縣株數及長與圓徑消詳報來

各色工匠二千一百十八名 擔募軍一千六百十六名

宗親府所捧錢一千一百十二兩 宣川伴李 邦銘千兩

本都監所捧錢一萬三千二百二十七兩二錢 玉果民人 一千八百

五十兩 英陽枝院及民人三千三百六十六兩 林川吏民六千二百兩 新寧民人一千兩

自願軍十六洞六百七十名

二十六日晴

閱嶺營口建所用木物分定於統營分定株數及長與圓徑修成丹先為報來故其中體小尺短之木遠地所來徒勞無用故成丹中尺短體小者勿為斫伐之意打點而成丹還下送使之改修上送矣尚不修送無以憑考捧上故茲以更閱到即知委該營消詳報來

各色工匠二千五十五名 擔募軍一千六百三十八名

宗親府所捧錢三百六十七兩

本都監所捧錢一萬一千三百七兩四錢 槐山吏民一萬 三十兩三錢

長湍民人一千二百 百五十七兩一錢

自願軍十八洞六百二十六名

二十七日晴

卿宰家以下至士庶人以雜石願納多者至百餘馱小者一馱一負○外城各門入來者無論東人使持入雜石一塊各色工匠二千四十名 擔募軍一千六百三十七名

宗親府所捧錢六十四兩

本都監所捧錢四萬六千八百一十一兩

安義民人一萬二百兩○草溪民人

四千十兩○永春民人八百九十兩○藤原民人七百兩○利原張鉉千兩○中和府大小民人三萬兩

自願軍二十五洞七百四十八名 卜馬四十匹

二十八日晴

閔楊州牧營建所用 光陵火巢內斫伐松檜木五十四

株內六株已為輸入其中最大者十介以車子輸來其餘

三十八介與 溫陵松檜木九十介并自本牧今月晦內

以為盡數運納

各色工匠二千八十名 擔募軍一千六百三十五名

宗親府所捧錢一千三百五兩

江界出身李開一

本都監所捧錢四千八百五十二兩六錢四分

廣州姜在吉草索二

馱○呂州民人三千五百七十九兩二錢九分

自願軍二十五洞一千一百七十九名 卜馬四十匹

二十九日晴

開海營二建所用強鐵質取次定牌將下送于載寧郡矣
有稱以御營廳質鐵牌將者責取之鐵與已斫之松田無
難執奪使不得質鐵云聞甚痛駭營質雖非私用都監所
用係是莫重緊急之需則渠何敢恣意奪取予所謂御營
質鐵牌將捉致營門嚴棍懲勵後已奪之鐵與匠色松田
并為一、推給形止報來

各色工匠二千六十六名 擔募軍一千四百五十九名

宗親府所捧錢六十五兩

本都監所捧錢二千六百七十四兩五錢

德原幼學李基
送一千五百兩

金川伴趙縉鎬石灰一千石畫負朴基駿真粉一百斤

楊根幼學李泰緒小椽二百介

自願軍二十二洞一千一百八十名 卜馬一百四十四匹

本都監啓曰九月朔本都監所捧願納錢為四十萬二千

五百七十兩 宗親府所捧願納錢一萬八千四百八十

六兩矣別成丹子二件以入事 傳曰知道

九月朔各色工匠合五萬二千六百九十名 擔募軍三

萬九千二百六十五名

自願軍六百六十洞二萬九千九百十九名 卜

馬二百二十匹

空沐三至百以資八攝息
信長日并建鄉○五月之一天後新蘇下尚也西至沐再
文合一百四十間半每間五兩左合六百二兩五錢出餘
沐蘇西直且鄉軍姑為其聖無氣祝其果靈草容二十一
○文如銀對對代中三前師進西蘇水靈蘇蘇不不蘇沐

